



## საქართველოს მთავრობის განკარგულება

№1315 2017 წლის 30 ივნისი ქ. თბილისი

### ხონის მუნიციპალიტეტის მიერ განსახორციელებელი ღონისძიებების შესახებ

1. მიეცეს უფლება ხონის მუნიციპალიტეტს, „სტიქის შედეგების სალიკვიდაციო ღონისძიებების განხორციელების თაობაზე“ საქართველოს მთავრობის 2015 წლის 24 ნოემბრის №2529 და 2016 წლის 9 დეკემბრის №2522 განკარგულებების საფუძველზე გამოყოფილი თანხებიდან დარჩენილი ეკონომიის ნაწილი – 21 132.43 (ოცდაერთი ათას ას ოცდათორმეტი ლარი და ორმოცდასამი თეთრი) ლარი მიმართოს 2017 წლის 16 ივნისის სტიქის შედეგების სალიკვიდაციო ღონისძიებების განსახორციელებლად, კერძოდ:

ა) ქალაქ ხონში მდებარე სპორტულ-გამაჯანსაღებელი კომპლექსის ცენტრალური სტადიონის ადმინისტრაციული შენობის სახურავის შესაცვლელად და სტიქის შედეგად დაზიანებული სტადიონის სხვა ინფრასტრუქტურის სარეაბილიტაციოდ;

ბ) ქალაქ ხონში, სოლომონ მეორის ქ. №7-ში მდებარე საცხოვრებელი სახლის სახურავის სტიქიით დაზიანებული ნაწილის სარეაბილიტაციოდ.

2. „სახელმწიფო შესყიდვების შესახებ“ საქართველოს კანონის 10<sup>1</sup> მუხლის 3<sup>1</sup> პუნქტის შესაბამისად, სახელმწიფოებრივი და საზოგადოებრივი მნიშვნელობის ღონისძიების შეზღუდულ ვადებში

შეუფერხებლად განხორციელების მიზნით, მიეცეს უფლება ხონის მუნიციპალიტეტს, ამ განკარგულების პირველი პუნქტით გათვალისწინებული სტიქიის შედეგების სალიკვიდაციო ღონისძიებების განხორციელებისათვის საჭირო სახელმწიფო შესყიდვები განახორციელოს გამარტივებული ელექტრონული ტენდერის მეშვეობით.

პრემიერ-მინისტრი



გიორგი კვირიკაშვილი